

ADVOKAT

Emir Fejzović
Njegovića br.1 - Šadravan,
71300 Visoko
ID: 4320626790002

ADVOKATSKI URED

Attorney at law

Mobitel: 061 043 056

E-mail: emir.fejzovic1@gmail.com

Adisa dr. Filipović-Goga
Zastupana po punomoćniku
Advokatu Fejzović Emiru
Njegovića br. 1
71300 Visoko

Emir Fejzović
Advokat

Bosna i Hercegovina
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA KAKANJ
STRUČNA SLUŽBA ZA POSLOVE OPĆINSKOG VIJEĆA
KAKANJ

Primljeno: 16.05.2025.			
Org. jed.	Broj	Prilog	Vrijed.
03/1-	291	125	

Općina Kakanj
Općinsko vijeće
Općinski načelnik
Ul. Branilaca
72240 Kakanj

Adisa dr. Filipović-Goga putem punomoćnika advokata Fejzović Emira na osnovu člana 16. Zakona o ministarskim, vladinim i drugim imenovanjima FBiH („Sl. novine FBiH“, br. 12/03, 34/03 i 65/13) u ostavljenom roku od osam dana izjavljuje

PRIGOVOR

protiv Obavještenja o odluci o imenovanju direktora Upravnog odbora JU „Dom zdravlja sa stacionarom“ Kakanj broj: 01-0-31/25 od 05.05.2025. godine zbog nepoštivanja principa i procedura utvrđenih Zakonom o ministarskim, vladinim i drugim imenovanjima FBiH i to:

- (A) Zakonitosti: odgovorni javni službenik osigurava da se sva javna imenovanja vrše na zakonit način i u skladu sa svim važećim pravilima, propisima i zakonima,
- (B) Kvalitet: glavni princip kojim se rukovode sva imenovanja je princip izbora na osnovu kvaliteta putem dobro informiranog izbora lica koja po svojim sposobnostima, iskustvu i kvalitetima odgovaraju potrebi reguliranog organa koji je u pitanju,
- (C) Otvorenosti i transparentnosti: principi javnosti upravljanja primjenjuju se na proces imenovanja. Funkcioniranje procesa mora biti transparentno i, osim ako informacija nije povjerljiva prema odredbama člana 15. ovog zakona kada je predviđeno ovim zakonom, pojedinosti o imenovanjima u reguliranim organima moraju se obznanimiti,
- (D) Zastupljenost pri zapošljavanju: odgovorni javni službenik nastoji da osigura da se kod imenovanja na javnu poziciju po pravilu odražava sastav naroda i građana Bosne i Hercegovine,
- s prijedlogom da odgovorni javni službenik uvaži prigovor, te da konačnu Odluku Upravnog odbora JU „Dom zdravlja sa stacionarom“ Kakanj o imenovanju direktora JU „Dom zdravlja sa stacionarom“ Kakanj i Odluka broj: 02/1-3208/25 od dana 28.04.2025. godine o davanju saglasnosti za imenovanje direktora JU „Dom zdravlja sa stacionarom“ Kakanj stave van snage, te da se poništi cjelokupni postupak po Javnom oglasu za izbor i imenovanje direktora JU „Dom zdravlja sa stacionarom“ Kakanj objavljen u Službenim novinama FBiH (SI-170/25-F) i u dnevnim novinama „Oslobođenje“ dana 07.02.2025. godine.

Obrazloženje

Dana 07.02.2025. godine objavljen je Javni oglas za izbor i imenovanje direktora JU „Dom zdravlja sa stacionarom“ Kakanj objavljen u Službenim novinama FBiH (SI-170/25-F) i u dnevnim novinama „Oslobođenje“. U navedenom Javnom oglasu navedeno je da su kandidati za izbor i imenovanje direktora uz prijavu na konkurs koja sadrži biografiju, adresu i kontakt telefon, dužni dostaviti:

- uvjerenje o državljanstvu BiH (koje nije starije od 3 mjeseca od dana objave oglasa),

ispunjavati druge uvjete propisane aktom o osnivanju, odnosno statutom.". Navedeni Javni oglas za izbor i imenovanje direktora JU „Dom zdravlja sa stacionarom“ Kakanj nije u skladu sa navedenim važećim normama i principom zakonitosti propisanim Zakonom o ministarskim, vladinim i drugim imenovanjima FBiH s obzirom da pored certifikata o obavljenoj edukaciji iz zdravstvenog menadžmenta, odnosno dokaza o završenoj specijalizaciji iz zdravstvenog menadžmenta ili dokaza o završenom postdiplomskom studiju iz zdravstvenog menadžmenta nije potrebno posebno dokazivati i prilagati potvrdu poslodavca da kandidat posjeduje provjerene rezultate u pogledu stručnih, organizacionih i drugih radnih sposobnosti. Niti jedan Javni oglas ne smije postaviti uslove koji direktno ili indirektno isključuju kandidate bez opravdanog razloga, osim ako to **nije jasno zakonom propisano** kao minimalni uslov. Uslov koji direktno ili indirektno isključuju kandidate predstavlja diskriminaciju prema članu 2. stav 1. Zakona o zabrani diskriminacije BiH („Sl. glasnik BiH“, br. 59/09 i 66/16) koji propisuje: „Diskriminacijom, u smislu ovog zakona, smatraće se svako različito postupanje, uključujući svako isključivanje, ograničavanje ili davanje prednosti utemeljeno na stvarnim ili pretpostavljenim osnovama prema bilo kojem licu ili grupi lica i onima koji su s njima u rodbinskoj ili drugoj vezi na osnovu njihove rase, boje kože, jezika, vjere, etničke pripadnosti, invaliditet, životna dob, nacionalnog ili socijalnog porijekla, veze s nacionalnom manjinom, političkog ili drugog uvjerenja, imovnog stanja, članstva u sindikatu ili drugom udruženju, obrazovanja, društvenog položaja i pola, seksualne orijentacije, rodnog identiteta, polnih karakteristika, kao i svaka druga okolnost koja ima za svrhu ili posljedicu da bilo kojem licu onemogući ili ugrožava priznavanje, uživanje ili ostvarivanje na ravnopravnoj osnovi prava i sloboda u svim oblastima života.“.

Dana 18.02.2025. godine imenovana je dobila potvrdu poslodavca JU „Dom zdravlja sa stacionarom“ Kakanj broj: 01-399/25 u kojoj se navodi da imenovana ima stručne i sposobnosti vezane za posao koji obavlja, tj. posao doktora specijaliste dentalne stomatologije i endodoncije. Što se tiče organizacionih sposobnosti navodi se da poslodavac nema saznanja da je imenovana obavljala rukovođenje bilo kojom organizacionom jedinicom u JU „Dom zdravlja sa stacionarom“ Kakanj, te da se poslodavac ne može izjasniti da imenovana posjeduje provjerene rezultate u organizacionim sposobnostima. Također se navodi da se potvrda izdaje na zahtjev imenovane radi prijave na javni oglas i služi kao dokaz o stručnim, organizacionim i radnim sposobnostima.

Dokaz:

- Potvrda JU „Dom zdravlja sa stacionarom“ Kakanj broj: 01-399/25 od 18.02.2025. godine.

Imenovana je dobila navedenu potvrdu dana 18.02.2025. godine. Imenovana kao kandidat zaposlena u JU „Dom zdravlja sa stacionarom“ Kakanj, dostavila je traženu potvrdu poslodavca tek posljednjeg dana konkursa, jer je putem interne procedure pribavljena potvrda, a koja zavisi od odluke upravljačke strukture ustanove. Time je, iako je zaposlena u ustanovi, bila dovedena u zavisn i otežan položaj, što pokazuje da sporni uslov stavlja kandidate u podređen i nesiguran položaj koji zavisi od volje poslodavca da izda potvrdu o „provjerenim sposobnostima“. Takav uslov nije propisan Zakonom o zdravstvenoj zaštiti FBiH i Pravilnikom o uslovima u pogledu vrste završenog fakulteta zdravstvenog usmjerenja koji moraju ispuniti osobe koje konkurišu za direktora zdravstvene ustanove, niti se temelji na objektivnim i mjerljivim kriterijima, te je stoga pravno neutemeljen, protiv principa pravičnosti i jednakosti, i suprotan članu 2. Zakona o zabrani diskriminacije BiH. Ovaj uslov de facto isključuje sve kandidate koji, iako ispunjavaju zakonom propisane uslove, nisu ranije bili na čelu neke ustanove i kao

takvi ne mogu dobiti subjektivnu potvrdu o "provjerenim rezultatima u organizacionim sposobnostima".

Dana 21.02.2025. godine imenovana je podnijela Prijavu na javni oglas za izbor i imenovanje direktora JU „Dom zdravlja sa stacionarom“ Kakanj, broj protokola 01-0-61/25 uz koju je dostavila cjelokupnu dokumentaciju koja je bila propisana javnim oglasom. Dana 22.04.2025. godine u 11:00 sati imenovanoj je dostavljen Poziv za intervju koji će se održati dana 22.04.2025. godine u 15:45 sati u prostorijama uprave JU „Dom zdravlja sa stacionarom“ Kakanj. Vrijeme dostavljanja poziva kandidatu koji se prijavio na Javni oglas nije u skladu sa članom 11. Zakona o ministarskim, vladinim i drugim imenovanjima FBiH, s obzirom da je poziv dostavljen istog dana kada se intervju trebao obaviti.

Dokaz:

- Prijava na javni oglas za izbor i imenovanje direktora JU „Dom zdravlja sa stacionarom“ Kakanj od dana 21.02.2025. godine, broj protokola 01-0-61/25,
- Poziv Upravnog odbora JU „Dom zdravlja sa stacionarom“ Kakanj broj: 01-0-17/25 od 22.04.2025. godine.

Dana 07.05.2025. godine imenovana je putem pošte zaprimila Obavještenje o odluci o imenovanju direktora Upravnog odbora JU „Dom zdravlja sa stacionarom“ Kakanj broj: 01-0-31/25 od 05.05.2025. godine. U dostavljenom obavještenju o ishodu konkursa, navedeno je da svaki učesnik javnog oglasa može u roku od 8 dana od dana prijema obavještenja, pokrenuti postupak pred nadležnim sudom, ali bez jasne i precizne pouke o pravnom lijeku u skladu sa Zakonom o ministarskim, vladinim i drugim imenovanjima FBiH. U dostavljenom obavještenju o ishodu konkursa, navedeno je da protiv ove odluke svaki učesnik javnog oglasa može u roku od 8 dana od dana prijema obavještenja pokrenuti postupak pred nadležnim sudom. Uz obavještenje imenovanoj nije dostavljena konačna odluka o imenovanju direktora što je u suprotnosti sa članom 30. stav 1. i 2. Uredbe sa zakonskom snagom o ustanovama („Sl. list R BiH“, br. 6/92 i 8/93).

Dokaz:

- Obavještenje o odluci o imenovanju direktora Upravnog odbora JU „Dom zdravlja sa stacionarom“ Kakanj broj: 01-0-31/25 od 05.05.2025. godine.

Također, Općinsko vijeće Kakanj kao odgovorni javni službenik nije odmah u skladu sa članom 13. Zakon o ministarskim, vladinim i drugim imenovanjima FBiH objavio konačno imenovanje u službenim novinama općine.

S obzirom na navedeno predlaže se odgovornom javnom službeniku da uvaži prigovor, te da konačnu Odluku Upravnog odbora JU „Dom zdravlja sa stacionarom“ Kakanj o imenovanju direktora JU „Dom zdravlja sa stacionarom“ Kakanj i Odluka broj: 02/1-3208/25 od dana 28.04.2025. godine o davanju saglasnosti za imenovanje direktora JU „Dom zdravlja sa stacionarom“ Kakanj stave van snage, te da se poništi cjelokupni postupak po Javnom oglasu za izbor i imenovanje direktora JU „Dom zdravlja sa stacionarom“ Kakanj objavljen u Službenim novinama FBiH (SI-170/25-F) i u dnevni novinama „Oslobođenje“ dana 07.02.2025. godine.

ADVOKAT

Emir Fejzović
Njegovića br.1 - Šadrvan,
71300 Visoko
ID: 4320626790002

ADVOKATSKI URED

Attorney at law

Mobitel: 061 043 056

E-mail: emir.fejzovic1@gmail.com

Prilozi:

- Punomoć za advokata,
- Javni oglas za izbor i imenovanje direktora JU „Dom zdravlja sa stacionarom“ objavljen dana 07.02.2025. godine Kakanj u Službenim novinama FBiH (SI-170/25-F) i u dnevničkim novinama „Oslobođenje“,
- Potvrda JU „Dom zdravlja sa stacionarom“ Kakanj broj: 01-399/25 od 18.02.2025. godine,
- Prijava na javni oglas za izbor i imenovanje direktora JU „Dom zdravlja sa stacionarom“ Kakanj od dana 21.02.2025. godine, broj protokola 01-0-61/25,
- Poziv Upravnog odbora JU „Dom zdravlja sa stacionarom“ Kakanj broj: 01-0-17/25 od 22.04.2025. godine,
- Obavještenje o odluci o imenovanju direktora Upravnog odbora JU „Dom zdravlja sa stacionarom“ Kakanj broj: 01-0-31/25 od 05.05.2025. godine.

Troškovnik:

- Sastav prigovora po ATFBiH 240,00 KM.
(Nisam obveznik PDV-a)

U Visokom, 14.05.2025. godine

Dostavljeno:

- Općinsko vijeće Kakanj,
- Općinski načelnik,
- Kopija Instituciji ombudsmena za ljudska prava BiH,
- a/a.

Adisa dr. Filipović-Goga
po punomoćniku

